


*Swiatkowski Andreas Michaelis: Laurea Appo-
sita sacro honori D. M. Mathiae Profecti-
dedicata.*



21

LAUREA

APOLLINARIS

Sacro Honori,

Clarissimi & Admodum Reuerendi Domini,

D. M. MATTHIÆ

PSOIECKI,

Collegæ Maioris, Protonotarij

Apostolici, Canonici S. FLORIANI;

CUSTODIS Iaroslauiensis, Curati Niepo-
micensis, &c.

D U M

In Alma Vniuersitate Cracouien:

Primam Cathedræ Theologicæ

Professionem

AUSPICARETUR

In Argumentum Debitæ venerationis

A B

ANDREA MICHAEL SWIATKOWSKI,

Artium & Philosophiæ Baccalaureo.

D E D I C A T A.

Anno

Martia qVanDo LegIt VICtrIX cX hoste trophæa
Iechia bifthonio : rege IOANNE potens.

Die 29. Nouembris.

GRACOVIAE, Typis Vniuersitatis.

21.308 III

LAUREA APOLLINARIS.

Cæliuagas imitata faces, imitata potentum
Diuitias ac sceptra Ducum, celebresq; labores
Semper in Auge locans, summis & honoribus apta
LAVREA; Cyrrhæum redimire assueta Magistrum
Dum mea plectra subit, proprioq; coronat honore
Exiguos modulos; Sacra de rupe propinquum
Ferte Deæ numen; date vela; impellite remos;
Quo facilis, Phæbo spectam, transferre per altum
Laudum æquor valeam, similiq; locare Coronam
Fronte super merita: tenuem seruate carinam.
Vos modo Pierides, tantoq; adistite capto.

Dædala quidquid alit gremio telluris in amplo,
Et resonet natura Parens cum numine Diuum;
Quidquid & æquoreis seruat Neptunus in undis,
Aut nitidis late diffusus in orbibus æther:
Quidquid & ignicomus radiant lumine Titan
Collustrat; roseis calos dum lustrat habenis,
Ore serenato magnæ dans basia matri:
Omnia præcipiti primos glomerantur in ortus.
Et rapido cursu, tristi cogente senecta,
Dura licet longo consistant tempore saxa,
Aut quæ magnorum fuerant monumenta virorum
Herculeos ausus, celebremq; notantia Famam
Marmora, Pyramides, scætiq; adamante Colossi;
Construit his etiam tumulos, longæua vetustas,
Et tumulis addit tumulos; cogitq; taceri
Gloriam, & Authorum vestigia nulla relinquit.
Ipse cui immortalis genus de munere Diuum
Parte sui meliore vacans homo; fata subire
Cogitur; & rigidæ crudelia funera Parcæ
Sustinet, indomitæ Lachæsis translatus in arua
Dura tenebrôsæ patitur retinacula sedis.
Quid tantis igitur soluet se casibus? aut quid
Se eximet horridæ cladi? cum dente vetustas
Omnia consumit rabido: ceu strutio ferrum.

Inclita facta viros & recti sacra cupido
Iustitiæq; decus, digna & reuerentiâ Diuum
Extollunt super humanam mortalia sortem
Pectora, nec fatis quidquam mortiq; relinquunt
Arbitrij, illorumq; mori haud patiuntur honores.

Nomen in æternum, & consortia sacra Tonantis,
 Gracius & si quid valeat mortalibus esse
 Sidere cum fama, doctis mens ignea donat.
 Excedit cunctas etenim sapientia metas
 Limitibusq; caret, semper cū nomen opimum
 Fama litat; sternitq; suos sub poplite Fasces.
 Illa serenatā quenquam sua munia fronte
 Si tractare videt; pariter complaudit amico
 Pectore mox illi; magno ductumq; favore
 Plebe super reliqua vehit ad conuexa Deorum;
 Calicolis redditq; pares, similesq; Tonanti:
 Quo nisi prisca canit sapientem musa minorem.

Hinc ego Divinos tibi posthac Augur honores
 Ominor, æthereaq; Domūs consortia Divūm
 P S O I E C K I, cuius clarum sapientia pectus
 (Herculeo quæ se tibimet devinxerat auro)
 Incolit; atq; sui pretio commercia pensat.
 Iamq; remota tuæ celebri præconia menti
 Regna canunt, magnoq; Tibi famulantur honore:
 Et prior in reliquis Doctorum plena virorum,
 Pace vicens, belloq; potens Hispania: postquam
 Publica Sarmatici peragentem munia sceptri
 Audijt: Hyblæo saturatas nectare voces
 Credidit admirata tuo sub corde latere
 Nestora dulciloquum; aut quæ nūquam Roma Parentē
 Eloquij venerata satis; dulcemq; Platonem.
 Hinc tua dexteritas, & mellea gratia fandi,
 Principis illius meruit præconia gentis;
 Quæ data Lechæo testatur Epistola Regi.
 Magna quidem sunt hæc; verū maiora canemus
 Præmia digna tuæ vir præstantissime menti:
 Namq; vbi Liligeras primūm peruadere terras
 Intentas; summam Regni delatus ad urbem;
 Illico sponte tuæ defertur L A V R E A fronti;
 Scilicet in proprium Iuris prudentia, cum Te
 Doctorum, terris celebratum, computat Album.

Pergite Pierides Lauri redimire corymbis
 Emeritam frontem, cytharasq; aptate sonoras;
 Et benè compositis Lesboa ad carmina chordis
 Vtteriùs cantate virum; qui nempe columnas
 Herculis emensus, proprio PLVS concinit VLTRA
 Insigni genio, minimè contentus opimis
 Laudibus, immenso quas iam collegerat orbe.
 Nam sua Laurigerum virtus bene nacta phasellum,
 SRENIATIO externas repetit dum gurgite terras,

Magnarum pretiosa vehens cimelia laudum
 Lechæo prognata solo, quæ carius omnis
 Ausonia obryzo fuerat mercata metallo.
 Hinc bene Romanas vix dum deductus Athenas;
 Ipse Pater flauis Tyberinus plausit in vndis,
 Oraq; cæruleâ tollens rorantia barbâ,
 Optabat similes cunctis ex Orbibus Urbem
 Hospitio coluisse viros, tandemq; precatus
 Quo sua Laurigero, Vrbs illum decoraret honore.
 Omen habet votum; cunctis sapientia namq;
 Virtus, & varijs quæsitæ Peritia terris
 Cognita: digna dari meritum præmia plenis
 Decreuit manibus: Diuina scientia moxq;
 In proprio censet numero, cum murice vestit,
 Doctoremq; creat, LAVRO donatq; virenti,
 Purpureis Patribus, toto & spectante Senatu.

Ipse etiam summus Romani Præses Honoris
 Ausonij Dominator Agri, quem nulla NOCENTEM
 Sæcla canent, triplex redimit cûi Infula sacram
 Et meritam frontem; tantas stupuisse refertur
 Ingenij æ animi dotes, & laudibus amplis
 Exornasse solum, quod talia germina gignit.

At Tibi qui caneris, genij Vir Maxime magni,
 Ut quid erat tantos orbis peragrarè recessus?
 Pracipitando optatam in multa pericula vitam.
 Numquid non poterat similis tibi LAVREA, tanto,
 In gremio Patriæ, sine prouenisse labore?
 Quæ tua perpetuis cinxisset tempora vittis,
 Nec cariem sentire tuum liquisset honorem.
 Sed quæ stelligeris exorta penatibus, vrget
 Sublimes animas per summa cacumina virtus;
 Ut post difficiles insigni calle labores
 Deuehat emeritos super alti culmen honoris:
 Addidit atq; Tuæ stimulum & calcaria menti,
 Pensatura tuos vitæ per lustra labores.
 Huic tu fide Deæ; scit non ea fallere Diua;
 Incipit ecce tuos in se decorare fauores;
 Dum facit Augustal Sacrum te scandere dextris
 Auspicijs; super atq; tua dum LAVREA fronte
 Fronde nouâ reuirit, qua Res Academica toto
 Dignius haud quidquam possit producere mundo.
 Perge igitur faustis auibus, votisq; secundis,
 Delicium Patriæ, Phæbi, suadæq; voluptas,
 Plurima & auratis, deducens sæcula pensis.
 Diuinæ Cathedræ tandem sis alter AQVINA S.

BIBLIOTHECA



Biblioteka Jagiellońska



stdr0020868

